

խարհի բոլոր կողմերում, որտեղ անձանօթ չէր Ջալալը իւր քաջութիւններով, բարի գործերով և եղբրական վախճանով: Հասկանալի է, որ մի ձի չէր կարող այսքան երկար ապրել, բայց նորա սերունդը յաջորդաբար նոյն անունով կը կոչուէր. և Ջոջանց տան վէպում յիշուում է, որ ժառանգ դիւցազնի ձին իւր հօր ձիու սերունդից էր:

Մի նորութիւն ևս ունի այս փոփոխակը, այն է Բապը Ֆրէնկի (№ 15, Թ, § 317—337): Այս անունը «Պապէ, Պապը Ֆրէնկէ աղջիկ» կայ և մի հէքեաթում¹. այլ և ունի Ջոջանց տան № 1—13 փոփոխակներից մինն ևս «Բարա Ֆրէնկի և Ֆրէնկի Պապ» (№ 10, էջ 424, 430), որին ինչպէս և Ասադիկ Պարոնին, Աճմուշահին և Սուլթան Մուրադին դիմում է Մարայ մելիքը և օգնութիւն խնդրում: Ջոջանց վէպը ճիշտ պահել է Ֆրանկի այսինքն Եւրոպայի պապի մասին գաղափարը, որ խաչակրութեան առաջնորդը և հոգին է եղել. իսկ Եւրոպայի ժողովուրդներից, մասնաւոր առաջին խաչակրութեան յատկապէս ֆրանկներն են մասնակցել, ուստի և արեւելքում, Ֆրանկ, Ֆրանկստան Եւրոպա, Ֆրանսացի և կաթոլիկ է նշանակում: Պարզ է որ այստեղ խօսքը հոովմէական կաթոլիկ եկեղեցու պետ պապի մասին է. թէ որքան պատմական հող ունի յատկապէս № 15-ի միջնադէպը դժուար է պնդել, դուցէ այստեղ Մհէրի գործը անցել է Դաւթին,—մեր Ջոջանց փոփոխակներում չառ անգամ մէկի գծերը միւսին են անցնում,—իսկ Մհէրը նոյնացել է մեր Մլեհի հետ²: Ապա յայտնի է մեր Կրիկեան իշխանների և թագաւորների ջերմ մասնակցութիւնը և յարաբերութիւնը խաչակրութեան հետ: Խաչակրութեան ազդեցութիւնը յատկապէս երեւում է և պարոն տիրոջոյց, որ կրում է այստեղ և այլ ուրիշ Ասադիկը (№ 2, 7), որ այլապէս կոչուում է Ասադիկ Երզնկացի (№ 3, Բ): Պարոն կոչուում են և № 14-ի մի քանի դե—դիւցազնները, որ բանել է մեր իշխան կամ նախարար անուան տեղ: Այս են հաստատում Դաւթի աջ թևի մսէ խաչը, կրած ս. նշանը, «խաչ պատրաստին», կամ փետրազին (խաչ փարազ—խաչապաշտ) ևն: Յայտնի է որ խաչակիրները խաչ էին կրում իրենց աջ թևին, որից և ծագել է այդ անունը: Խաչը իւր պաշտամունքով մեկնում սկսուելով է. դարից՝ տարածուել է խաչակրութեան ժամանակ դանազան մասունքներով, որ ունի և վէպը (№ 1, Գ, էջ 13). ցարդ շատ «օջաղ» —աներ ևս ունին Կարմիր Աւետարան, Նարեկ և այլ սրբութիւններ: Հետաքրքրական է այս կողմից այն պարագան, որ մեր վիպասաց—

1. Էմինեան Ազգ. Ժողովածու Գ. § 6 «Լուսաւոր մերթ». էջ 55:

2. Ջոջանց տան պատմականը [Արարատ 1908. Յունուար, էջ 113—114 (39—40)].